

Frumvarp til laga

um breyting á lögum um íslenskan ríkisborgarárétt,
nr. 100 23. desember 1952, með síðari breytingum
(biðtími vegna refsinga o.fl.).

(Eftir 2. umræðu, 15. maí.)

1. gr.

Eftirfarandi breytingar verða á 8. gr. laganna:

2. tölul. 1. mgr. orðast svo: Umsækjandi, sem er í hjúskap með íslenskum ríkisborgara og samvistum við hann, hafi verið hér búsettur í þrjú ár frá giftingu, enda hafi makinn haft íslenskan ríkisborgarárétt ekki skemur en fimm ár.
3. tölul. 1. mgr. orðast svo: Umsækjandi, sem er í skráðri sambúð með íslenskum ríkisborgara, hafi verið hér búsettur í fimm ár frá skráningu sambúðarinnar, enda hafi sam búðarmakinn haft ríkisborgarárétt ekki skemur en fimm ár.
3. mgr. orðast svo:

Umsækjandi skal uppfylla skilyrði þess að fá búsetuleyfi útgefið af Útlendingastofnun og hafa slíkt leyfi þegar sótt er um íslenskan ríkisborgarárétt. Þetta gildir þó ekki um umsækjanda sem er undanþeppinn skyldu til að hafa dvalarleyfi hér á landi samkvæmt lögum um útlendinga.

2. gr.

6. tölul. 9. gr. laganna orðast svo: Umsækjandi hafi ekki, hérlendis eða erlendis, sætt sektum eða fangelsisrefsingu eða eigi ólokið máli í refsivörslukerfinu þar sem hann er grunaður eða sakáður um refsiverða háttsemi samkvæmt íslenskum lögum. Frá þessu má þó víkja að liðnum biðtíma sem hér greinir ef brot eru ekki endurtekin, sekt hefur verið greidd að fullu eða fullnustuð með öðrum hætti og aðrar upplýsingar um umsækjanda mæla ekki gegn því:

Refsing

Sekt lægri en 50.000 kr.

Sekt 50.000–100.000 kr.

Sekt 101.000–200.000 kr.

Sekt 201.000–1.000.000 kr.

Sekt hærri en 1.000.000 kr.

Fangelsi allt að 60 dagar.

Fangelsi allt að sex mánuðir.

Fangelsi allt að eitt ár.

Biðtími

Enginn biðtími.

Að liðnu einu ári frá því að brot var framið.

Að liðnum tveimur árum frá því að brot var framið.

Að liðnum þremur árum frá því að brot var framið.

Að liðnum fimm árum frá því að brot var framið.

Að liðnum sex árum frá því að refsing var afplánuð eða frá veitingu reynslulausnar.

Að liðnum átta árum frá því að refsing var afplánuð eða frá veitingu reynslulausnar.

Að liðnum tíu árum frá því að refsing var afplánuð eða frá veitingu reynslulausnar.

Fangelsi meira en eitt ár.

Skilorðsbundinn dómur.

Ákvörðun refsingar frestað skilorðsbundið.

Ákvörðun um skilorðsbundna ákærufrestun.

Þegar talið er að refsing sé úttekin með gæsluvarðhaldi reiknast tíminn frá því að viðkomandi var láttinn laus.

Ef hluti dóms er skilorðsbundinn hefst biðtími þegar afplánun lýkur og miðast hann við lengd óskilorðsbundna dómsins.

Ef umsækjandi hefur einungis sætt sektarrefsingum og samanlögð fjárhæð sekta er lægri en 101.000 kr. er heimilt að veita íslenskan ríkisborgarárétt ef aðrar upplýsingar um umsækjanda mæla ekki gegn því, enda sé liðið a.m.k. eitt ár frá því að síðasta brot var framið.

Ef umsækjandi hefur verið dæmdur til að sæta öryggisgæslu á viðeigandi stofnun er biðtíminn 14 ár frá því að öryggisgæslu lýkur.

3. gr.

Ákvæði til bráðabirgða í lögnum orðast svo:

Sá sem misst hefur íslenskt ríkisfang samkvæmt upphaflegum ákvæðum 7. gr. laga nr. 100/1952 en hefði haldið því ef greinin hefði verið fallin úr gildi á þeim tíma er hann missti íslenska ríkisfangið getur óskað þess við ráðuneytið að öðlast ríkisfangið að nýju, enda uppfylli hann skilyrði 12. gr. og leggi fram fullnægjandi gögn að mati ráðuneytisins fyrir 1. júlí 2016.

Sé viðkomandi undir forsjá annarra skal beiðni borin fram af forsjármanni.

Ef sá sem öðlast íslenskt ríkisfang samkvæmt þessu ákvæði á ógift börn yngri en 18 ára, sem hann hefur forsjá fyrir, öðlast þau einnig ríkisfangið. Hafi barnið náð 12 ára aldri og sé með erlent ríkisfang skal það veita samþykki sitt til að fá íslenskan ríkisborgarárétt. Samþykkip skal jó ekki krafist ef barnið er ófært um að veita það sökum andlegrar fötlunar eða annars sambærilegs ástands.

4. gr.

Lög þessi öðlast þegar gildi.